

醫酒林一致

二



醫林一致

暨陽駱登高萊飲甫一字恒園輯著

門人

丁有

曾象辛
光孔章

甫編定

胡世

安文思
昌予延

甫叅閱

男駱以文來菴甫校訂

痿

痿之大綱其病在肺其治在胃經曰肺熱葉焦則皮毛虛弱急

薄着則生痿躄也

肺痿者皮毛痿也肺屬金肺熱則火來乘金火盛金衰故葉焦肺主皮毛肺病則皮毛虛

弱虛弱者皮枯而毛落也故謂之皮毛痿急薄着熱氣留着而不去也肺主氣天之象也氣者萬物之父百骸資始者也肺着於熱則肺病而百骸無所資始矣故令手足痿躄也躄者足不能行也心氣熱則下脉厥而上上



則下脉虛。虛則生脉痿。樞折挐。脛縱而不任地也。心痿者脉痿也。心者君主

之象。火之位也。經曰。君火以名。相火以位。言君火正其名而無

爲相火守其位以聽其命。心氣熱則火炎上。故三陰在下之脉

亦皆厥逆而上。蓋相火不敢不聽命於君也。脉既逆而上。則下

脉空虛而痿弱。故曰脉痿。心傷於熱。則陽光用事。邪居百節而

肢廢。如樞紐之折而不能提挈。四肢關節之

處。既如樞紐之折。則足脛縱而不任地也。肝氣熱則膽泄口

苦。筋膜乾則筋急而攣。發爲筋痿。肝痿者筋痿也。膽爲肝之府。而附於肝。肝氣熱則逼其膽

汁。隨火上泄而口苦也。肝主筋膜。肝熱則筋膜乾。脾氣熱則胃

乾則筋燥而攣急。攣急則手足不用。故曰筋痿。

乾而渴。肌肉不仁。發爲肉痿。脾痿者肉痿也。胃者脾之府也。脾與胃以膜相連而開竅於口。脾熱

則熬煎其胃。胃液枯乾。必口乾而渴也。脾主肌肉。熱畜於

內。則鬱火內灼。精氣耗傷。而脾氣不能四達。故肌肉不仁。腎氣

熱則腰脊不舉。骨枯而髓減。發爲骨痿。腎痿者骨痿也。腎者水藏。無水而火獨治則熱

腰者。居腎之府也。腎主督脉。貫於脊裡。故腎壞則腰脊

不舉。腎主骨髓。故腎壞則骨枯而髓減。發而爲骨痿。肺者藏

之長也。為心之蓋也。此言五藏之痿皆因肺熱也。最高有所失

忘。所求不得。則發肺鳴。鳴則肺熱葉焦。失忘不得則悲。哀動中而傷肺。肺鳴者喘急也。

肺氣鬱而生火。故呼吸有聲。發為肺鳴。五藏因肺熱葉焦。發為

痿躄。肺主氣以行營衛為相傳以節制五藏。則一身皆治。若肺熱葉焦。則五藏之陰皆不足。此痿躄所以生於肺也。五痿

雖異。總論痿者。獨取陽明何也。陽明者。五藏六府之海。主潤宗

筋。宗筋主束骨而利機關也。陽明胃經主納水穀。化精微以滋養表裡。故為五藏六府之海。而下

潤宗筋。宗筋者。前陰所聚之筋也。為諸筋之會。凡腰脊谿谷之筋。皆屬於此。故主束骨而利機關也。陽明虛則宗

筋縱。故足痿不用也。所以當內經之於痿躄也。言之詳矣。後人

當有以辨其證而治之。蓋肺痿者。面必白。肺病而色自見也。脉多短數。

短者。肺之真藏脉也。斯證也。持於冬。死於夏。十有九危。古人主

數者。火來乘金也。



以肺熱湯者。冀回生於千一耳。心痿者。面必赤。脉洪大。

火炎上也。治

宜瀉火。三補丸足以任之火。去則脉不厥逆。各循其經而手足

用矣。肝痿者。面必青。爪甲枯。

肝主筋。爪者筋之餘。

脉弦數。治宜瀉火而達

肝。養筋而潤燥。四者而已。龍膽瀉肝湯足以任之。脾痿者。面必

黃。痺而不仁。

脾爲濕土。與熱薄則營衛之氣不榮。痺而不仁。

脉緩數。治宜養營益衛。復

其濕傷之氣血。風能燥土而去濕。疏風之品。亦不可缺也。蠲痺

湯足以任之。腎痿者。面必黑。脉沉數。治宜補腎水之虛。去坎中

之熱。瀉命門之火。六味湯加黃柏知母足以任之。王冰曰。壯水

之主。以制陽光。此之謂也。若夫陽明虛宗筋失養。不能束骨而

利機關。令人手足痿弱者。勢必減食。四君子湯足以任之。又有

陰事柔痿而不舉。名曰陰痿。八味湯足以任之。前哲之言曰。痿
躄大都屬熱。此亦不可拘也。內經曰。淫氣喘息。痺聚在肺。濕也
淫氣憂思。痺聚在心。淫氣遺溺。痺聚在腎。淫氣乏竭。痺聚在肝。
淫氣肌絕。痺聚在脾。此五證者。脉必沉遲。非大溫大熱不足以
濟之也。經之論肺痿者曰。急薄着則生痿。觀薄着二字。則知
天氣六淫之邪。皆能爲病也。風着於肝而與熱薄。則成筋痿。寒
著於腎而與熱薄。則成骨痿。濕着於脾而與熱薄。則成肉痿。燥
着於肺而與熱薄。則成皮毛痿。火着於心而與熱薄。則成脉痿。
暑雖傷胃。其氣歸心。故病於暑者。必虛其脉。是暑着於胃而薄
於心。亦能致脉痿也。經又曰。有所失亡。所求不得。則發肺鳴。鳴

則肺熱葉焦。則知人身七情之傷。皆能爲病也。悲之過。則肺金傷。已所不勝者乘而襲之。乃成肺痿。恐之過。則腎水傷。已所勝者輕而侮之。乃成腎痿。怒之過。則肝木傷。無以約我之所生。反食我氣。乃成肝痿。驚喜過。則心火傷。傷則不受制而熾無已。乃成心痿。憂思過。則脾土傷。不能受生我者之所賦。有餘爲害。精氣耗傷。乃成脾痿。更有入房太甚。頑痰不化。死血無歸。五味偏勝。以致痿躄者。挾有多端。悉可類而推之也。經言病本。雖五藏各有。而獨重太陰肺經。經言治法。雖諸經各調。而獨重陽明胃經。此其說何居乎。李士材曰。肺金體燥。居上。而主氣化。以行於一身。畏火者也。五藏之熱火薰蒸。則金被尅。而肺熱葉焦。故致

疾有五藏之殊。而手太陰之地。未有不傷者也。胃土體濕。居中而受水穀。以灌溉於四肢。畏木者也。肺金之受邪失正。則木無制而侮其所勝。故治法有五藏之分。而足陽明之地。未有或遺者也。夫既曰肺傷。則治之亦宜在肺矣。而岐伯獨取陽明。又何也。靈樞所謂真氣所受於天。與穀氣并而充身。陽明虛則五藏無所稟。不能行氣血。濡筋骨。利關節。故百體中。隨其不得受水穀處。不用而爲痿。不獨取陽明而何取哉。丹溪所以云。瀉南方。則肺金清。而東方不實。何胃傷之有。補北方。則心火降。而西方不虛。何肺熱之有。斯言當矣。若胃虛減食者。當以芳香辛溫之劑治之。若拘於瀉南之說。則胃愈傷矣。誠能本此施治。其於痿



也。思過半矣。人於大病之後。手足痿弱。率是陽明虛也。能於胃

而調養之。則得內經之旨矣。

此段爲凡有病者言之。非專言痿證也。



痿門方

肺熱湯

治皮毛痿

羚羊角

玄參

射干

薄荷

芍藥

黃蘗皮

升麻

各三錢

生地

五錢

梔子仁

四錢

竹茹

二錢

人尿

治皮毛痿良于諸藥

肺痿者取人尿時時呷之最良蓋天一生水地二生火人

尿潤下鹹寒人身之天一也故可以交吾身之坎離濟吾

身之水火也

三補丸

治脉痿

黃連

黃芩

黃蘗

各等分

爲丸每服三錢

龍膽瀉肝湯 治筋痿

柴胡 一錢

人參

知母

麥冬

天冬

黃連

草龍膽

山梔子

生甘草

各五分

五味子

七粒

黃芩 七分

蠲痺湯

治肉痿

羌活

赤芍藥

酒炒

薑黃

酒炒

甘草

各五分

黃芪

當歸

酒炒

防風

各二錢五分

坎離丸

治骨痿

熟地

八兩

山萸肉

四兩

山藥

四兩

丹皮

三兩

白茯苓

三兩

澤瀉

三兩

黃蘗

二兩

知母

二兩酒炒



四君子湯

治胃虛宗筋失養不能束骨而利機關令人手足痿弱

人參

茯苓

炙甘草

白朮

八味丸

治入房太甚宗筋縱弛發為陰痿

六味丸加

鹽煮附子

鹽炒肉桂

各一兩

藿香養胃湯

治胃虛不食筋無所養而成痿

藿香

白朮

炒透

人參

茯苓

薏苡仁

半夏麴

烏藥

神麴

炒

砂仁

炒各一錢五分

草澄茄、甘草

炒各一錢

薑

五片

棗

二枚

金剛丸

治腎虛精敗骨痿

草薢

杜仲

肉蓯蓉

酒浸

兔絲子

酒浸各等分

爲末酒煮猪腰子和丸梧子大每服五錢空心溫酒送下

神龜滋陰丸

治足廢各
日痿厥

敗龜版

酒炙
四兩

黃蘗

炒二
兩

知母

炒二
兩

枸杞子

一兩

五味子

一兩

鎖陽

一兩

乾姜

五錢

爲末猪脊髓爲丸梧子大每服五錢

補益丸

治腎
痿

白朮

二兩

生地

酒洗一
兩五錢

敗龜版

酒洗炙
一兩

鎖陽

酒浸
一兩

當歸身

酒洗浸
一兩

陳皮

一兩

牛膝

一兩

乾薑

七錢

黃蘗

炒五
錢

虎脰骨

酒炙
五錢

茯苓

五錢

五味子

二錢

兔絲子

一兩酒蒸研
如糊晒乾

甘草

炙一
錢

白芍藥

酒煨
一兩

爲末紫河車爲丸每服五錢

加減四觔丸

治腎肝虛
筋骨痿

肉蓯蓉

酒浸

牛膝

酒浸

天麻

木瓜

熟地

鹿茸

去毛切
酥炙

五味子

兔絲子

酒浸另研
各等分

蜜丸每服五錢空心酒下

三

1



痺

內經曰。風寒濕三氣雜至。合而為痺也。其風氣勝者為行痺。走

注骨節疼痛之類。俗名流火是也。寒氣勝者為痛痺。痛而不移。俗名痛風是也。濕氣勝者為

着痺。肢體重着不移。或為疼痛。或為不仁。濕從土化。病多發于肌肉。俗名麻木是也。以冬遇此者為骨

痺。以春遇此者為筋痺。以夏遇此者為脉痺。以至陰遇此者為

肌痺。以秋遇此者為皮痺。此風寒濕三者各以其時受病之名。非三者之外。別有所謂骨痺筋痺脉

痺肌痺皮痺也。骨痺不已。復感於邪。內舍於腎。筋痺不已。復感於邪。內

舍於肝。脉痺不已。復感於邪。內舍於心。肌痺不已。復感於邪。內

舍於脾。皮痺不已。復感於邪。內舍於肺。各以其時重感於風寒

濕也。肺痺者。煩悶喘而嘔。心痺者。脉不通。煩則心下鼓。暴上氣



而喘。嗌乾善噫。厥氣上則恐。厥氣即陰氣，心火衰則陰邪乘之，故神怯而恐也。肝痺者。

夜臥則驚。多飲，數小便，上為引如懷。肝藏魂，肝病則魂不安，故夜臥則驚。腎痺者。

善脹。尻以代踵，脊以代頭。腎者胃之關，腎氣痺，則陰邪乘胃，故善脹。尻以代踵，足攣不能伸也。脊以

代頭，身僂不能直也。脾痺者，四肢懈惰，發欬嘔汁，上為大塞。脾主四肢，故為懈惰。大塞

者，上焦否隔不通也。腸痺者，數飲而出不得。風秘二便下焦之氣不化，故出不得。中氣喘爭

小便不出，則本末俱病，故與中氣相爭，清不升，濁不降也。時發飧泄。清濁不分，故也。胞痺者，少腹勝

胱按之內痛。若沃以湯，澁於小便，上為清涕。胞者膀胱之脬也，膀胱氣閉，故按之

內痛。水閉則畜而為熱，故曰若沃以湯，澁于小便也。膀胱之脈從巔入絡腦，故上為清涕也。李士材曰：經以

風勝為行痺，寒勝為痛痺，濕勝為着痺。即其下一勝字，則知但

分邪有輕重，未嘗非三氣雜合為病也。在外者祛之，猶易入藏

